

Stav Ehli Sunneta po pitanju ashaba i hilafeta Ebu Bekra es-Siddika

[Bosanski – Bosnian – بوسني]

www.islamqa.info

Prijevod:

Mirza Musić

Revizija:

Ersan Grahovac

2014 - 1435

IslamHouse.com

﴿مذهب أهل السنة في الصحابة وإمامة أبي بكر الصديق﴾

« باللغة البوسنية »

موقع الإسلام - سؤال وجواب

ترجمة:

مرزا موستنش

مراجعة:

أرسان غراهوفاتس

2014 - 1435

IslamHouse.com

Stav Ehli Sunneta po pitaju ashaba i hilafeta¹ Ebu Bekra es-Siddika

Pitanje:

Šta je tvoj dokaz da imam Alijj, alejhi selam, nije trebao biti halifa nakon vjerovjesnika Muhammeda, alejhi selam?

Odgovor:

Zahvala pripada Allahu,

Prvo:

- Od osnova Ehli Sunneta i Džemata jeste da čuvaju svoja srca i jezik po pitanju ashaba Allahovog Poslanika, sallallahu alejhi ve sellem.

Čuvaju srca od mržnje, zlobe, pakosti i preziranja.

Čuvaju svoje jezike od bilo kojeg govora o njima koji im ne dolikuje, zbog riječi Uzvišenog Allaha:

***Oni koji poslije njih dolaze – govore:
„Gospodaru naš, oprostí nama i braći našoj koja su nas
u vjeri pretekla i ne dopusti da u srcima našim bude
imalo zlobe prema vjernicima; Gospodaru naš, Ti si,
zaista, Dobar i Milostiv!“²***

¹ Hilafet je vodstvo nakon Allahova Poslanika, sallallahu alejhi ve sellem, kako u vjerskim pitanjima tako i u političkim, ekonomskim itd. (op. prev.)

² Sura el-Hašr 10.

Kao i pokoravajući se Vjerovjesniku, sallallahu alejhi ve sellem, kada je rekao: „Ne vrijeđajte moje ashabe, tako mi onog u čijoj je ruci moja duša, kada bi neko od vas udijelio zlata koliko je brdo Uhud ne bi dosegao ni koliko neko od njih kada udijeli pregršt ili pola pregršti.“³

- Također od osnova Ehli Sunneta jeste prihvatanje onog što je spomenuto u Kuranu, Sunnetu i konsenzusu od njihovih vrlina i stepeni. Oni daju prednost onima koji su udjeljivali prije oslobođenja Mekke i onih koji su se borili, nad onima koji su udjeljivali nakon toga i borili se, shodno riječima Uzvišenog Allaha:

Nisu jednaki oni među vama koji su davali priloge prije pobjede i lično se borili – oni su na višem stupnju od onih koji su poslije davali priloge i lično se borili, a Allah svima obećava nagradu najljepšu; - Allah je dobro obaviješten o onome što radite.⁴

- Također, daju prednost muhadžirima⁵ nad ensarijama;⁶ shodno riječima Uzvišenog Allaha:

³ Bilježi ga el-Buhari, br. 3673. i Muslim, br. 2541.

⁴ Sura el-Hadid, 10.

⁵ Muhadžiri su oni koji su se Allaha radi iselili iz Mekke za Medinu za života Allahova Poslanika, sallallahu alejhi ve sellem. (op. prev.)

⁶ Ensarije su oni koji su uzeli Medinu za mjesto življenja prije dolaska Allahova Poslanika, sallallahu alejhi ve sellem. Oni su ti koji su prihvatili kod sebe muhadžire. Oni su bili pomagači Allaha i Njegova Poslanika, sallallahu alejhi ve sellem, onda kada su se ljudi okrenuli protiv njih, neka je Allah svima njima zadovoljan. (op. prev.)

*Allah je zadovoljan prvim muslimanima, muhadžirima i ensarijama i svima onima koji ih slijede dobra djela čineći, a i oni su zadovoljni Njime; za njih je On pripremio džennetske bašče kroz koje će rijeke teći, i oni će vječno i zauvijek u njima boraviti, To je veliki uspjeh.*⁷ Pa je prvo spomenuo muhadžire prije ensarija.

- Također vjeruju u ono što je Allah rekao o učesnicima Bedra, a bilo ih je nešto više od tri stotine: „**Radite što god želite, zaista sam vam oprostio.**“ Jer je Vjerovjesnik, sallallahu alejhi ve sellem, rekao: „Zato što je Allah pogledao na učesnike Bedra i rekao: 'Radite što god želite, zaista sam vam oprostio.'“⁸

- Također vjeruju da neće ući u vatru niko od onih koji su dali prisegu pod drvetom; kao što je o tome obavijestio Vjerovjesnik, sallallahu alejhi ve sellem. Naprotiv, Allah je zadovoljan njima i oni su zadovoljni njime, a bilo ih je više od hiljadu i četiri stotine; shodno riječima Uzvišenog Allaha:

Allah je zadovoljan onim vjernicima koji su ti se pod drvetom na vjernost zakleli. On je znao šta je u srcima njihovim, pa je spustio smirenost na njih, i nagradiće ih skorom pobjedom.⁹

Kao i shodno riječima Vjerovjesnika, sallallahu alejhi ve sellem: „**Neće ući u Vatru, inšaAllah, niko od**

⁷ Sura et-Tevbe, 100.

⁸ Bilježi ga el-Buhari, br. 3007. i Muslim, br. 2494., prenoseći od Alije ibn Ebi Taliba.

⁹ Sura el-Feth, 18.

učesnika prisege pod drvetom, koji su se zakleli pod njim.¹⁰

A među onima koji su dali prisegu bili su Ebu Bekr, Omer, Osman i Alijj, Allah bio svima njima zadovoljan.

- Također, svjedoče da će ući u Džennet svako od njih kome je to posvjedočio Allahov Poslanik, kao što su deseterica obradovanih Džennetom, zatim Sabit bin Kajs ibn Šemmas i drugi od ashaba, Allah bio njima zadovoljan.

Allahov Poslanik, sallallahu alejhi ve sellem, je rekao: „Ebu Bekr je u Džennetu, i Omer je u Džennetu, i Osman je u Džennetu, i Alijj je u Džennetu, i Talha je u Džennetu, i Zubejr je u Džennetu, i Abdurrahman bin Avf je u Džennetu, i Sa'd je u Džennetu, i Seid je u Džennetu, i Ebu Ubejde bin Džerrah je u Džennetu.“¹¹

- Također, svjedoče onom što je tevāturom¹² preneseno od Alijje bin Ebi Taliba, Allah bio njime zadovoljan, kao i od drugih, o tome da su najbolji od ovog ummeta nakon Vjerovjesnika: Ebu Bekr a zatim Omer.

Prenosi se od Muhammeda ibnul-Hanefijje (sin Alije, radijallahu anhu) da je rekao: „**Rekao sam svom**

¹⁰ Bilježi ga Muslim, br. 2496.

¹¹ Bilježi ga Ebu Davūd, br. 4649. i et-Tirmizi, br. 3747., Šejh El-Albani ga je ocijenio vjerodostojnim.

¹² Mutevatir hadis je onaj hadis koji iz generacije u generaciju direktno prenosi toliki broj prenosilaca u svakoj generaciji da je isključena svaka sumnja u njegovu autentičnost. (op. prev.)

babi:¹³ 'Ko je najbolji čovjek nakon Allahovog Poslanika, sallallahu alejhi ve sellem?' Reče: 'Ebu Bekr.' Rekoh: 'A zatim?' Reče: 'Omer.' Pa sam se pobojavao da će reći Osman, pa rekoh: 'A zatim ti!' Pa reče: 'Ja nisam ništa drugo do običan čovjek među muslimanima.'¹⁴

Tako da na treće mjesto stavljaju Osmana, a na četvrto Aliju, Allah bio njima zadovoljan.

Pogledaj djelo el-Vasitije, od Šejhul islama Ibn Tejmije uz komentar.

Drugo:

Od stava Ehli Sunneta jeste da je najpreči od svih ljudi za hilafet, nakon Allahovog Poslanika, sallallahu alejhi ve sellem, bio Ebu Bekr es-Siddik, Allah bio njime zadovoljan, pa ćemo ti navesti neke od dokaza za ispravnost imameta Ebu Bekra, Allah bio njime zadovoljan:

- 1- Prenosi se od Muhammeda bin Džubejra bin Mut'ima, a on od svog oca da je rekao: „**Došla je neka žena kod Vjerovjesnika, sallallahu alejhi ve sellem, pa joj je naredio da se ponovo vrati kod njega poslije. Pa reče: 'A šta misliš ako te tada ne nađem?'**, kao da je htjela ukazati na smrt. Pa reče Allahov

¹³ Tj. Aliji bin Ebi Talibu. (op. prev.)

¹⁴ Bilježi ga el-Buhari, br. 3671.

Poslanik, sallallahu alejhi ve sellem: 'Ako mene ne nađes idi kod Ebu Bekra.'¹⁵

2- Prenosi se od Ibn Mesūda da je rekao: „**Allahov Poslanik, sallallahu alejhi ve sellem, je rekao: 'Ugledajte se na dvojicu nakon mene, Ebu Bekra i Omera.'**“¹⁶

3- Od Ibn Omera, Allah bio njime zadovoljan, se prenosi da je rekao: „**Allahov Poslanik, sallallahu alejhi ve sellem, je rekao: 'Dok sam bio na bunaru vadeći iz njega, kad dođoše Ebu Bekr i Omer. Ebu Bekr uze kofu pa zagrabi njome jednom ili dva puta, a u tim zahvatima je bilo slabosti, pa mu je Allah oprostio. Zatim ju je uzeo Omer bin el-Hattab iz ruke Ebu Bekra, pa se u njegovoj ruci pretvori u ogromnu kantu, tako da ne vidjeh nikad slična momka, da tako grabi njome i napaja, sve dok i deve ne napoji i ostade viška.**“¹⁷ Ibn Hadžer je, komentarišući navedeni hadis, rekao da je značenje riječi: „Dok sam bio na bunaru.“, tj. u snu. „Vadeći iz njega.“, tj. puneći kofu vodom. „Pa zagrabi njome jednom ili dva puta.“, tj. zahvatio je punu kofu vode, a ono na što mi aludira hadis jesu

¹⁵ Bilježi ga el-Buhari, br. 3659.

¹⁶ Bilježi ga et-Tirmizi, br. 3805. Šejh el-Albani ga je ocijenio vjerodostojnim.

¹⁷ Bileži ga el-Buhari, br. 3676.

velika osvajanja koja će se desiti za njegova vremena kojih je bilo ukupno tri. Iz tog razloga kada je spomenuo Omera nije rekao broj koliko je zagrabilo kanti vode, nego ih je opisao kao ogromne, aludirajući na mnogobrojnost osvajanja koja će se desiti za njegova hilafeta.

A Allah najbolje zna.